

стинницу — киновию Иосифову послал еси, завещав прилежати ми, — но, о владыко господи мой, что сотворю окаанный аз? Малодушен сый, на мнозе тръпети удаления от великого пастыря невозмогах. Како бо и хотех тръпети, его же от пелен вожделех видети, и в мале виде въжелаемого лишихся абие, ихже николи же надеахся, сиа пострадах, не и самыа ли души от телесе разлучение вменях и в лепоту? Иде же бо епископ, ту и священный множество, ту аггел собрание, ту и Христос, яко же сказует богоносный Игнатей и божественый Златоуст. Полезно есть зело, еже повиноватися наставнику по апостолу вселенныа. И мне грешному || л. 60 об. всячьскы желателно, но желателнейше ми есть, еже близ быти великаго пастыря и того честное лице зрети. Может бо, святой владыко, господи, еже токмо видети тя, злонравную ми душу увещати, во благонравие преложитися и во умиление приити. Темь же оттуду к тебе, господеви моему и владыце пакы притекох, и ныне, господи мой, желаю божественныа трапезы приобщитися, еже причаститися безсмертных таинств. Елма же, святой владыко, множество согнитиа душа ми имат, тем же со слезами молю твою хриstopодражательную утробу, господи мой и владыко, прими душу мою многогрешную во исповедание и покаанием к Христу спасу приведи. Тако ти Исуса прешедшаго грешники спасти и иже кровь свою за ня пролиавшаго в душу свою их ради положшаго, не отрини мя недостойнаго, святой владыко, не отрини! Тебе бо, о владыко, || тебе тяжкаа л. 61 и лютаа целити остало есть — не могу, господи мой, комуждо, яко же прилучися, обнажити язвы душа моя, но тебе токмо, святой владыко, обнажати могу, яко и древняя моа целившу, и ныне со Христом мощну ти сущу исцелити ми согнитиа, яко власть примшу от духа святаго вязати и разрешати. Господа бога ради, пречистый владыко, о Христове утробе умилосердися на мя грешнаго и недостойнаго, и прими мое окаанство на исповедание, и подай разрешение прогрешением моим, и сподоби причащения святых безсмертных таинств Христовых. Ей молю ти, не отрини мя недостойнаго, владыко господи. Молю же тя, господи, да не прогневаеця милость твоя на мя за еже дръзнух велико: не от безстудиа, господи, дръзнух, вем бо опасно свое недостойнство, но от веры, владыко господи, от веры дръзнух и палящиа любве, яже страх изгонит. Желаю бо || все- л. 61 об. благаго господа бога милостива обрести, его же зле прогнавах, и кто ми благопременительна того сотворит, аще не ты, пресвятой владыко, священным си ходатайством? Тем же много молю твою святость: покажи, владыко, милость на мне недостойнем, настави мя на путь вечнаго живота.

(ГЛБ, Q. XVII. 50, лл. 59 об.—61 об.).